

Թէ որպէս ուղղեն զանկեալ դրգալն սրտին, այսչափ ինչ կարեմ գրել: Ոմանք հաւատան այսմ, և ոմանք ոչ հաւատան: Ոմանք ի հաւատացողացն հաւատացին ի փորձն: Ոմանք ի հաւատացողացն զարհուրին ի տեսանելն զուղղելն. քանզի ուղղիչքն դրգալին սրտին ոչ դեղ տան և ոչ դեղ գիտեն, բայց միայն թէ զկնի ուղղելոյն, դնեն եախը անդէն զի պնտեալ մի ևս անկցի: Իսկ ուղղելն՝ այսպէս առնեն. նախ մատամբն նայի և քննէ զկուրծն. և ճանաչէ զանկեալն, զի տեսանէ զոսկրն ի ներքս մխեալ, և ապա՝ որպիսի և իցէ իւղով չփէ սակաւ ինչ զկուրծն. և ապա ի թիկանցն երկու ձեռքն ի վեր ուղղէ զկուրծն երկիցս և երկցս. երբե[մ]ն և սասլէ զանձն նորա. և ահա ուղղեցաւ զրդալն: Եթէ պիտոյ է, և զքամակն չփէ. այսպէս առնէ երեք օր անօթի փորանց: Ոմանք ի տգիտացն զայն տեսեալ, արարին ոմանց. բայց քնասեցին: Իսկ գիտունքն բժշկեցին զոմանս: Նշան անկման դրգալին՝ նմանին նշանաց օտոտուքցիօսին. քանզի որոյ դրգալն սրտին անկեալ է, երբե[մ]ն երբե[մ]ն սրտայ ի թիկանցն. կերեալ կերակուրն մնայ ի սրտին իբրև զքար կամ իբրև զցից. երբեմն բսխէ: Ինքն ևս իմանայ զի ի սիրտն մտանէ իբր թէ ոսկր ինչ: Օրըստօրէ նիհարանայ. դեղք բժշկաց ոչ օգնեն նմա: Զայստսիկ գրեցի հարևանցի զի ոչ գիտեմ գիտիկ և ոչ զարուեստն, զի ըստ այնմ գրեցից մի ըստ միջէ զուղղիչն: Պատճառք անկման դրգալին սրտին այս են. զի անկանի երբե[մ]ն յամբառ նալոյ զծանրագոյն ինչ. երբե[մ]ն ի ձկտմանէ ի վեր. երբե[մ]ն յանկմանէ վերուտ ի վայր: Երբեմն ևս ի յօրանջմանէ անկանի. զոր օր. անկանի աղիքն կամ պորտն մարդոյն: Դեռ ոչ կարեմ գրել աւելի քան զայս:

Ի կողմանէ քաղաքիս, երբե[մ]ն և ցանցառակի պատահին նուազ երկրաշարժութիւնք: Մինչև ցայսօր լուաք գերիս կամ զչորս անձինս մեռանիլ ի ժանտամահէ...

Յամին 1769 ի յուլիս 1
ի Ղալաթիա

Ն. Կ. Հ. Յակոբոս վրդպ. Զամչեանց
Մխիթարեան

ԱԶԹ.

Երեք Մխիթարեան վարդապետներ որ Հնդկաստան կ'ուղևորին՝ Եգիպտոսի Ալեքսանդրիա քաղաքին և Ազրիի վրայօք տեղագրական ծանօթութիւններով իրենց տպաւորութիւնները կը գրեն:

Գերապատիւ արքայապետ մերում տեսան Ստեփաննոս յարունապետի
խոնարհակաւ համբարիւ աչոյն՝ ողջոյն ի Քրիստոս

... Այս քաղաք [Ալեքսանդրիա Եգիպտոսի] հեռի է ի մերայ չորից աւու[ր]ց ճանապարհաւ, յոր գնան նաւակաւ ընդ գետ. դիրք քաղաքին տափականիստ է, և ծովեզերեայ. ունի զերկու նաւահանգիստ, մինն, որ հին կոչի, է տաճկաց, յորում են մեծամեծ նաւքն մտայ. իսկ միւսն ի քրիստոնէից. յորում ի մտանել մեր անդ, էին իբրև 25 նաւք, բայց հասարակօրէն լինին իբր 50 կամ 60 և աւելի ևս. ցորչափ անդ էաք, յաւուրն մի կամ երկու, և երբեմն հինգ նաւք մտանէին անդ. շինուածք քաղաքին գրեթէ առ հասարակ բարձր են և յանտաշ քարանց. և ունին զտանիս. են ի նմա բազում յոյնք և հրէայք: Արք քաղաքին են թխաղէմք, և ըստ որում տեսաք, ոչ ումեք առնեն զչար, այլ մանաւանդ մարդասիրութիւն ցուցանեն. և եթէ ակն ունին ընդունիլ յումեքէ զբարերարութիւն, ամենայն սիրով իբրև ստրուկ ծառայեն: Ողն է ջերմ քան զՎենետկոյ, մինչև յամսեանն մայիսի գտանիլ անդ ձմերուկ. սակայն յամառան հանապազ շնչէ հողմն հիւսիսային արևմտեան, որով զովանայ օդն...: Այս քաղաք [Ազրի] ծովեզերեայ է. և ունի հանդէպ իւր ի կողմն հարաւոյ զլեառն կարմեղոս, որ ձևացուցանէ զնաւահանգիստ քաղաքին, յորում ի մտանել մեր անդ, էին երեք նաւք փոանկաց, մին ինկիլիզի, և երկուքն ֆոանսըզի: